



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-197-6/22**

Datum: **08.06.2022. god**

«Agencija za vodno područje rijeke Save» Sarajevo rješavajući po zahtjevu pravnog lica «Širbegović Inženjering» d.o.o. Gračanica za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta pogona za proizvodnju armirano-betonskih elemenata izgrađenog u Industrijskoj zoni u Gračanici, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

### **R J E Š E N J E** **o vodnoj dozvoli**

1. Pravnom licu, «Širbegović Inženjering» d.o.o. Gračanica daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta pogona za proizvodnju betona i armirano-betonskih elemenata izgrađenog na zemljištu označenom kao k.č. broj: 5175/3, 5176/1, 5176/3, 5176/4, 5177/1, 5177/4, 5177/5, 5178/1, 5178/3, 5178/4, 5178/5, 5178/6, 5178/7, 5178/8, 5179/1, 5183, 5184, 5185, 5234/1, 5234/2, 5234/3 i 5235/8 K.O. Gračanica, grad Gračanica.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
  - 2.1. Da se upotreba i korištenje predmetnog pogona vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
  - 2.2. Da se, u prvoj godini važnosti ove dozvole izgradi taložnik i okno za monitoring prije ispusta oborinskih voda u recipijent (otvoreni oborinski kanal).
  - 2.3. Da se tehnološke otpadne vode nastale u proizvodnom postupku spravljanja i proizvodnje betona te pranjem vozila za transport betona i spiranjem radnih površina (lokalitet betonare) nesmetano prikupljaju sistemom slivnih rešetki i kanalizacione mreže te odvede do objekta za tretman tehnoloških otpadnih voda (taložnik) a zatim sistemom za recirkulaciju vraćaju u proizvodnju.
  - 2.4. Da se oborinske vode sa radnih i manipulativnih površina, a koje mogu biti opterećene suspendovanim materijama, nesmetano prikupljaju sistemom slivnih rešetki i kanalizacione mreže te odvede do taložnika a zatim preko okna za monitoring ispuštaju u otvoreni kanal za oborinske vode sa krajnjim ispustom u rijeku Spreču.
  - 2.5. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20), podnosilac zahtjeva je u obavezi iste zadovoljiti.
  - 2.6. Objekte čija je svrha odvođenje i prečišćavanje tehnoloških otpadnih voda (taložnici, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
  - 2.7. Korisnik je obavezan da redovno vodi dnevnik o pražnjenju i odvozu sadržaja taložnika.
  - 2.8. Korisnik objekata je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja

- vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 2.9. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.10. Talog iz taložnika kao i ostali opasni i neopasni otpad se ne smije ni privremeno odlagati na česticu «vodno dobro», odnosno u vodotoke i na njegove obale.
- 2.11. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnih proizvodnih objekata obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom pogonu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog postrojenja za proizvodnju armirano-betonskih elemenata dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5(pet) godine od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

## **O b r a z l o ž e n j e**

Pravno lice «Širbegović Inženjering» d.o.o. Gračanica podnijelo je zahtjev ovoj Agenciji, dana 26.04.2022. godine, za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta pogona za proizvodnju betona i armirano-betonskih elemenata izgrađenog u Industrijskoj zoni u Gračanici.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka o upisu subjekta u registar poslovnih subjekata broj: 032-0-Reg-21-002081 izdatog dana 05.01.2022. godine od strane Općinskog suda u Tuzli,
- Ovjerena kopija Aktuelnog izvoda iz sudskog registra izdatog dana 21.03.2022. godine od strane Općinskog suda u Tuzli,

- Ovjerena kopija Uvjerenja o poreznoj registraciji izdatog dana 02.08.2013. godine od strane Porezne uprave – Kantonalni ured Tuzla,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-18-1-UPJR/1-6309-2/13 izdatog dana 02.09.2013. godine od strane Uprave za indirektno-neizravno oporezivanje Banja Luka,
- Ovjerena kopija Obavještenja o razvrstavanju pravnog lica prema klasifikaciji djelatnosti, broj: 07-32.5-19314/16 izdatog dana 21.07.2016. od strane Službe za statistiku za područje Tuzlanskog kantona,
- Kopije Rješenja o upotrebnoj dozvoli za sve objekte, izdatih od strane nadležne službe općine Gračanica,
- Kopija Rješenja o vodnoj dozvoli, broj: 04-13-25-30330/16 izdatog 09.12.2016.godine od strane Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o vodnoj dozvoli, broj: UP-I/25-3-40-232-4/16 izdatog 02.09.2016.godine od strane ove Agencije,
- Kopija Rješenja o okolinskoj dozvoli, broj: 12/01-1-23-012507/15 izdatog 20.12.2016. godine od strane Ministarstva prostornog uređenja i zaštite okoline Tuzlanskog kantona,
- Glavni projekat – vanjske hidroinstalacije izvedeno stanje sa dopunom, broj 62-IB-G/15 urađen u novembru 2015. od strane «IBIS» d.o.o. Zavidovići,
- Dokaz o uplaćenju upravnoj taksi na zahtjev

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, («Službene novine Federacije BiH», broj 31/15, 55/19 i 41/20), izvršen je obilazak predmetnog lokaliteta u Industrijskog zoni grada Gračanica i tom prilikom sačinjen je zapisnik o uviđaju broj: UP-1/21-3-40-197-5/22 od 02.06.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Poslovni kompleks sačinjavaju sljedeći sadržaji: upravna zgrada, betonara kapaciteta 60m<sup>3</sup>/h, krojačnica, dva depoa agregata, kotlovnice na čvrsto gorivo, magacin, portirница, kuhinja, te uređene radno-manipulativne i saobraćajne površine. U periodu od izdavanja prethodnog rješenja o vodnoj dozvoli ukinuta je interna benzinska pumpa te uklonjen nadzemni rezervoar za gorivo.

Snabdijevanje vodom za sanitarne i tehnološke potrebe je obezbijeđeno priključkom na gradski vodovodni sistem. Sanitarno fekalne vode ispuštaku se u gradsku kanalizaciju.

Tehnološke otpadne vode nastale u proizvodnom postupku spravljanja betona te pranjem vozila za transport betona i spiranjem radnih površina (lokalitet betonare) prikupljaju se sistemom slivnih rešetki u taložnik a zatim sistemom za recirkulaciju vraćaju u proizvodnju.

Oborinske vode sa platoa kompleksa prikupljaju se sistemom linijskih slivnika i oborinskom kanalizacijom, bez prethodnog tretmana, odvođe u recipijent – otvoreni kanal za odvodnju oborinskih voda sa krajnjim ispustom u rijeku Spreču.

Glavnim projekat vanjskih hidroinstalacija – izvedeno stanje sa dopunom predviđeno je da se prije ispusta oborinskih voda sa platoa kompleksa u otvoreni kanal izgradi taložnik i okno za monitoring. U toku uviđaja na terenu je konstatovano sa isti nije izveden i obaveza izgradnje istog je propisana tačkom 2.2. dispozitiva rješenja.

Na osnovu očitovanja Službe za prikupljanje prihoda od vodnih naknada, konstatovano je da je podnosilac zahtjeva «Širbegović Inženjering» d.o.o. Gračanica redovno dostavlja propisane EBS obrasce i redovno izmiruje svoje obaveze po osnovu posebnih vodnih naknada.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog postrojenja i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na

osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, «Širbegović Inženjering» d.o.o. Gračanica ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta pogona za proizvodnju armirano-betonskih elemenata u Poslovnoj zoni grada Gračanica, te je riješeno kao u dispozitivu ovog Rješenja.

Uplaćeni su i posebni troškovi prema Zaključku ove Agencije broj: UP-1/21-3-40-197-4/22 od 17.05.2022. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.ing.građ.

Po ovlaštenju  
Rukovodilac sektora za izdavanje vodnih akata  
  
*Haris Ališehović*  
Haris Ališehović, dipl.ing.građ.

Dostaviti:

- «Širbegović Inženjering» d.o.o. Gračanica  
ul Branilaca grada bb, 75320 Gračanica
- AVP Sava, ISV-vodna knjiga
- Sektor 50
- Sektor 40 – arhiva
- oglasna ploča – AVP Sava